

Na osnovu člana 7. stav 2. Zakona o budžetima u Federaciji BiH („Službene novine Federacije BiH“, broj: 102/13, 9/14 - Ispravka, 13/14, 8/15, 91/15 i 102/15) i člana 70. stav 1. tačka 2. Statuta Općine Vogošća („Službene novine Kantona Sarajevo“ broj: 27/14 - Prečišćeni tekst i 14/15), Općinsko vijeće Vogošća, na sjednici održanoj 29.12.2016. godine, donijelo je

O D L U K U
O IZMJENI I DOPUNI ODLUKE O IZVRŠAVANJU BUDŽETA OPĆINE VOGOŠĆA
ZA 2016. GODINU

Član 1.

U Odluci o izvršavanju Budžeta Općine Vogošća za 2016. godinu („Službene novine Kantona Sarajevo“, broj: 2/16 i 15/16), u članu 13. u stavu 3. iza alineje 3. dodaje se nova alineja 4. koja glasi:

“Sredstva Općine za stambeno zbrinjavanje porodica iz naselje Svrake kupovinom stanova koji su u vlasništvu Fonda Kantona Sarajevo, isplatit će se do kraja 2016. godine po Zaključku Općinskog načelnika, uz prijedlog nadležne Službe, a sredstva će biti usmjerena na kupovinu stambenih jedinica za trajno zbrinjavanje fizičkih lica čiji su stambeni objekti potpuno uništeni ili zbog oštećenja nisu za stanovanje. Općina Vogošća će zajedničkim učešćem sa Kantonom Sarajevo obezbjediti finansijska sredstva na ime ukupne cijene svih stambenih jedinica (23 stambene jedinice) i ista uplatiti Fondu Kantona Sarajevo, u čijem su vlasništvu navedeni stanovi“.

Dosadašnja alineja 4. postaje alineja 5.

Član 2.

Ova Odluka stupa na snagu narednog dana od dana objavljivanja u “Službenim novinama Kantona Sarajevo”, a primjenjuje se za fiskalnu 2016. godinu.

Broj: 01-02-2507/16

Vogošća, 29.12.2016. godine



PREDSJEDAVAJUĆI
OPĆINSKOG VIJEĆA VOGOŠĆA

Tarik Curić